

## আগাছার রাজ্যে ফুটেছিলো যে ফুল

(উৎসর্গ - সাম্প্রতিক কালে মানবতাবাদের শ্রেষ্ঠতম বাঙালী প্রতিভু শহীদ  
অধ্যাপক ডঃ হুমায়ূন আজাদ কে।)

-জাহেদ আহমদ

anondomela@yahoo.com

আগাছা ভরা রাজ্যে ফুটেছিলো  
অবাক করা ফুল,  
চিনতে তাঁকে হয়নি আমার  
একটু মাত্রও ভুল।

রঙিন পাঁপড়ি ছিল তাঁহার  
বিশাল আয়তন,  
অভিপ্রায় ছিলো না মোটেও-  
কেবল পরাগায়ন।

অবাক ফুলটি ছড়িয়ে ছিলো  
অবাক সুগন্ধ,  
রাণী ও সভাসদ ব্যতীত  
সকলেই ছিল অন্ধ।  
বক্ষ্যা মাটির দেশে যেথায়  
প্রজাপতির নেই দেখা,  
অবাক রঙের ফুলটি সেথায়  
দুলতো হাওয়ায় একা।

হঠাৎ একদিন ঘটে গেল  
মস্ত বড় ভুল-  
হিংস্র থাবার দৈত্যরা সব  
দেখে ফেলে সেই ফুল।

উপড়ে ফেলে ফুলটি তারা  
করলো ছিন্নভিন্ন,  
রাজ্যের অন্ধরা কেউ  
কাঁদেনি তাঁর জন্য।

অতঃপর.....

আগাছাই ফের হয়ে ওঠলো  
সেই রাজ্যে ফুল-  
কেউ বুঝেনি ঘটে গেল  
মস্ত বড় ভুল!

রাণীকে তাই দিতে হয়নি  
সেই ভুলের মাশুল !

নির্ভ ইয়র্ক  
১৭ আগস্ট ২০০৮

কপিরাইটস ২০০৮ মুক্তমনা ([www.mukto-mona.com](http://www.mukto-mona.com))  
বাংলা টাইপিং সফটওয়্যার [www.bornosoft.com](http://www.bornosoft.com) এর সৌজন্যে প্রাপ্ত।

